

Mit fast unverletztem schönem Reitersiegel am Pergamentstreifen.

XLVIII. XLIX. Notariatsinstrument über die Huldigung der Städte Lodi und Novara für König Ludwig. 1323 Dec. 14 und 16.

Or. Hausarchiv n. 116. Beide Instrumente auf einem Pergamentblatt.<sup>1</sup>

XLVIII. Huldigung der Stadt Lodi. 1323 Dec. 14.

In nomine Domini amen. Ad honorem omnipotentis Dei et beate virginis Marie matris eius et omnium sanctorum et sanctarum Dei et totius curie celestis. Anno Domini a nativitate eiusdem | millesimo trecentesimo vigesimo tertio, indictione septima, die Mercurii quattordecimo mensis Decembris, in archiepiscopali palatio Mediolani in sala seu caminata magna dicti palatii, in quo residet magnificus dominus dominus Bertoldus comes de Niffen, serenissimi principis domini Ludovici Romanorum regis semper augusti in partibus Ytalie vicarius generalis, in presentia dominorum Stefani Vicecomitis militis, Boschini Mantegatii, Mulli de Corpello militum, Francini Vicecomitis iuris utriusque periti, Ottonis Burri, Pagani de Mandello civium Mediolani testium vocatorum et rogatorum. Coram prefato domino . . vicario comparuit Vescovinus de Vescovis civis Laudensis syndicus et procurator dicti comunis Laude ad infradicta spetialiter constitutus in presentia et voluntate nobilium virorum dominorum Bergondii de Vistarino et magistri Gratii de Pelato ambaxiatorum dicti comunis Laude et eorum voluntate dictus Vescovinus syndicus nobilium et potentium virorum dominorum Iacobi Millitis et Suzonis de Vistarino civitatis et districtus Laude dominorum generalium et Iulliani de Algixiis vicarii nobilis viri domini Roffini Tetoni honorabilis potestatis comunis Laude et comunis et hominum dicte civitatis ad infradicta spetialiter constitutus in pleno et generali consilio dicte civitatis Laude per predictos dominos et dictum vicarium potestatis et consilium generale et consiliarios dicte civitatis, ut patet per publicum instrumentum inde traditum per Robertum Villanum notarium hoc anno die sabati decimo mensis Decembris et scriptum

1) Die unnützen Verdoppelungen von Consonanten habe ich ausser in den Eigennamen beseitigt. Von der Hand desselben Notars die Huldigung Mailands von 1323 Juni 23 HA. n. 117; bei Scheidt, Bibliotheca historica Goettingensis S. 231 hieraus gedruckt.